

Yesu Kristu - Kacimfya Uwapulamo

Abena Roma 8:31-39,

“...Lelo, muli ifi fyonse (ubucushi, ukushikitika, ukupakaswa, icipowe, ubwamba, ukuposwa ku balwani, napamo ulupanga) tuli abacimfya abacilamo pa mulandu wa watutemenwe...”

Mwamona, **imwe mwafyelwe abacimfiwa**. Kabili kulyo kufyalwa teti ku mulete imwe ku Mweo, pa mulandu mwafyelwe abacimfiwa. Kabili mwaba mucalo icacimfiwa pakati ka bantu abacimfiwa pakati ka fisumino ifyacimfiwa, ifilonganino ifyacimfiwa. Imwe mulingile ukwisa mu kucimfya munshila imo.

Yesu alitupele icilangililo ifyakucita cena. **Nomba tulefwaya ukwishiba ifya kucimfya**. Yesu alitwebele ifya kucita cena. Mwamona, **ukupetama**—aikakile Umwine asendele insalu, no kusamba ku nkasa sha basambi, no kukumuna. **Lesu wine uwa ku Mulu ali ipetamike Umwine** (*Yohane 13:1-17*).

Ifwe tatulefwaya ukuipetamika. Ulya e mulandu wine abanakashi tabafwaya umushishi wabo ukukula, e mulandu wine tabafwaya ukufwala ngefyo ba namayo balingile ukufwala, nga filya abaume taba fwaya kucita...Mwamona, cena cintu cimo cine. Bena balakwata ukusebana (*Amalumbo 119: 9-11*). Lelo Yesu lyonse...Lolekesheni ifyo Ena ali. **Ubukalamba bu laipetamika ubwine. Ubukalamba bulaipetamike ubwine**.

Ubukalamba kuipetamika. Mwilabako cilya, mwe lukuta! Ubukalamba bulangishiwa mu kuipetamika,

te musango ubusuma ifyo mwingaba...ndepilibula ukuba uwapetama mu mupashi. Lelo ndelanda pa kuipetamika, ukuipetamika ukwacine, te cintu cimo icakufwala kofye, icintu cimo ico icili, kulya **kupetama ukwacine**.

Yesu alitwebele ifyakucita cena. Ena ali cimfishe. **Ukucimfya cipilibula “ukwiminina ubwesho,”** ngefyo bonse aba mushilo abakale bacitile, ngefyo Yesu acitile. Mukati ka balwani Bakwe bonse Ena aiminine ubwesho. Ifintu fyonse aeshiweko Ena aliimine fyena. Mu cinso ca bulwele, kabili Wene pakuba Mesiya, **Ena ali bondepe**. Mu cinso ca mfwa, **Ena aletele cena ku mweo**. Mu cinso ca kalbale, imfwa Yakwe umwine, **Ena acimfishe cena pa kuipela Umwine**. Cinshi? Ku Cebo. Atile, “Mukonaule ili tempile, kabili nkaliimya mu nshiku shitatu.” **Icebo e fyo casosa (Yohane 2:19-21)**. Mwamona? Mu mulola wa kumbo Ena ali cimfishe kwen; **Ena acimfishe imfwa (Luka 22:39-46)**. Mu mulola wa kumbo Ena acimfishe kumbo; **Kabili acimfishe kumbo (1 Abena Korinti 15:54-57)**. Ee! Mu mulola wa nshishi Ena acimfishe inshishi. Cinshi? **Fyonse ku Cebo ca kupetama**. Owe, mwe. Ulya palya Umuntu uwacine. Ulya palya Uyo uwaba Icilangililo cenu. Mwamona? **Ena acimfishe ifintu fyonse, ukucimfya fyena**.

Baibele itila (*Abahebere 4:14-16*), **Ena – Yesu Kristu – ali eshiwe mu fintu fyonse nge fyo ifwe twaba lelo ukwabulo lubembu**. Ena alyeshiwe ku kunwa; Ena alyeshiwe na banakashi; Ena alyeshiwe ku fintu fyonse ifyo twigeshiwako nafyo. Ena alyeshiwe ku fintu fyonse ifyo twaba; Ena ali umwaume. Lelo nombata teti mubike akashilwa pali Wene.²

Ukucimfya cipilibula “ku kwishiba ciwa pali cila cimo ca bucenjeshi bwakwe.” Abantu abengi batila takwaba ciwa; cena cabafye itontonkanyo. Mwicetekela cilya. Kwaba ciwa uwa cine. **Ena abafye umutuntulu ifyo imwe mwaba, uli onse, ciwa mutuntulu. Kabili mulingile ukwishiba wene mutuntulu!** Imwe mulingile ukwishiba ena ni ciwa! Kabili lyena, inshita imo ine iyo imwe mwaishiba wene no kwishiba wene ni ciwa, **kabili ena ta fwaya imwe, lyena, ukucimfya imwe mulingile ukwishiba ukutula Lesa uli muli imwe alicila kabili alipulishamo ukucila ifyo ena ali, ukutula Uyo uli muli imwe ali mucimfya kale wene, kabili ku kusenamina Kwakwe imwe muli abacila paba mucimfya wene. Amen!** **Kulya palya ukucimfya ukwa cine.**

Imwe lolekesheni kunuma no kusosa, “Ndecita ici, ndecita cilya.” Lyena owe, imwe muli abacimfiwa. Lelo takwaba ukusekwa kuli abo **abali muli Kristu Yesu** abashendela umwalola umubili lelo umwalola Umupashi (*Abena Roma 8:1*). **Lyena muleshiba ukutula na mucimfya,** kabili namwishiba ukutula ena ni ciwa. Imwe teti musose, “Ninkwata ubulwele kabili nshilecetekela bwena bulwele.” Owe, ee, cena bulwele. (Nge cilangililo:) Imwe namukwata impwalonda; imwe tamulecetekela yena ni mpwalonda; yena ni mpwalonda. **Lelo ibukisheni, alipulamo Uyo uwaba muli imwe, ukucila uyo uli mwi sonde (1Yohane 4:4). Imwe mulingile ukwishiba ukutula Umupashi wa Mushilo uyo uli muli imwe ali cimfya kale ici cintu.** Kabili ali muli imwe, kabili imwe kuti mwacimfya muli Wene (*Abena Roma 8:37*). Cilya ca mano nganshi. Cilya ni filya fine inshila Amalemba yalembelwamo. **Ukucimfya!**

Lesu uli muli imwe aba umukalamba ukucila uyo uli muli wene. Umulungu uwa ili sonde tacila **nga Lesu uwa ku Mulu uyo uli muli imwe** (11 Abena Korinti 4:3-12). Nga filya imfimi ingeminina mu mulola wa lubuuto...Nshilesakamana ifyo kuli ukwafita, ulubuuto luli no kuifumyapo yena. Yena teti iminine. Ubukata! Lelo mukasende imfimi iingi ngefyo mwingafwaya ukucita, no kwesha ukwiminina ukukanya ulubuuto inshita imo, kabili moneni ico icilecitika. **Uya e Uyo uli muli imwe aba Lubuuto** (Yohane 8:12) Kabili uyo uli mwi sonde ni mfimi. E ico ulubuuto lwalishininkisha ukucimfya imfimi. **Kabili umuntu uli muli Kristu kabili aliishiba ukutula ali cimfya ifintu fya mwisonde** (amini!), lyena talyakwata nakabili isenge naimwe nakalya, **imwe muli bantungwa**. *“Endeni mu Lubuuto ngefyo Ena ali mu Lubuuto, no Mulopa wa kwa Yesu Kristu ulatusangulula ku lubemu lonse, kabili tulakwata isenge umo no mubiye umuyayaya”* (1Yohane 1:7). Mwacimone co.

Uyo uli muli imwe acila uyo uli mwisonde. Nomba, nga mwalolekesha kunuma, kabili muli abasekwa, lyena mucili mwi sonde. **Lelo nga muleikala pa mulu wa cilya**, lyena Uyo uli muli imwe na tungulwila imwe pa mulu wa mfimi. Nga filya cananika, ena ali pa mulu wamfimi ya matipa. Ena ali pa mulu wa menshi ya matipa. Ena ali mu lubuuto, ukulangisha ukuyemba uko ukwabikilwe muli wene ilyo ena talafuma mu matipa. Ameni! Ni cinshi ico icali mulya na Lesu pakutendeka, kabili capatikishe inshila yakwe ukupula, mukucimfya. Cena ca cimfishe icipapa; cena cacimfishe amatipa; cena ca cimfishe amenshi. Cena cacimfishe fyonse kabili cali ni

kacimfya kabili calangishe ukuyemba no bukata bwa kwa Lesa.

Ulya e musango uwacetekela onse acita. Balabika imitwe yabo pa mulu wa cintu, kabili ukubalika ubukata bwakwa Lesa. Cilya e co Umwinakristu wacine acita.

Ibukisheni, Yesu alitulangishe ifyo cena cicitwa. Inshiku amakumi yane yakweshiwa, Ena alyeshiwe ukucila umuntu uuli onse uyo uwatala ukweshiwa, mu kweshiwa kwa kwa Yesu Kristu. Nomba, moneni.

Ena alitulangishe ifyo cena cicitwa. Lolekesheni, Ena alitulangishe ifyo cena cicitwa. Musangonshi Ena acitilemo cena? **Ne Cebo.** Ulya e musango Ena acitilemo cena, **Pantu Ena ali Cebo. Yesu atile,** *“Nga mwaikala muli Ine, kabili ifyebo Fyandi muli imwe...”*

(Yohane 15:7), imwe mwabwelelamo ku Cebo nakabili, **Icebo ca bulayo.** Ni cinshi Icebo ca bulayo ku Mwinakristu onse? *“E ico uuli muli imwe acila uuli muba pano isonde.”* **Lyena musangonshi**

ncimfishamo? Te ine, lelo Icebo cilya muli ine. Icebo ni Lesa. Lyena nalicimfishe ifintu fya mwisonde, pa mulandu caba Cebo muli ine. Twaliline fye ukuipatikisha ukuya pa mulu. Imwe muleisa pa mulu abashininkisha fye nge cintu icili conse. Imwe mulingile ukwisa pa mulu.

Mu nshiku amakumi yane yakweshiwa, **ku Cebo cakwa Lesa alicimfishe.** Ndefwaya uku komaila cimo pano. Satana acitile ukupuma kutatu ukukalamba pali Wene muli bulya bwesho. Moneni, cena lyonse caba mu fitatu. Mwilabako ifi. **Ena acitile ukupuma kutatu ukukalamba ukufuma ku ca sansabalisha ukwisa ku cacepesha.** Ena alyeseshe mu busuma bwakwe ukucimfya Wene, lelo Ena ali Cebo, Ameni! **Ni cinshi ico Ena abomfeshe? Umwine, Icebo.** Ukulwisha

kutatu ukukalamba kwa kwa Satana, atemwa ukupuma pali Wene, **Ilelo Ena akumenye kwena ne Cebo**. Ukulwisha konse, ena kuti acita cena ne Cebo ukufuma ku casansabalisha ukwisa ku cacepesha.

Kasebanya afwaya imwe ukunakila wene. Yesu anakile fye ifyo Tata asosele ukutula acite. Cilya cishinka. Satana atile, “Calilembwa ena akakonkomesha ba malaika bakwe ulwa iwe...” (*Luka 4:5-13; Mateo 4:5-7*). Yesu atile, “*Ee, ilelo nakabili cali lembwa.*” Mwacimone co. Mwamona, **Ena aliishibe ifyo Ena ali. Itontonkanyo lilaya ilyashika ukucila ifyo calembwa. Mwamona, cena kuputwamo. Uluseke luli mukati ka cena. Ifyo cena mucine caba.**

Ena tatalile umfwila ukupanda amano kwa kwa Satana. Nomba, ici apa icintu cisuma. Mwamona, inshita shimo Satana kuti amisenda, kabili ilyo muletonkanya ukutula mulecita ubufwayo bwakwa Lesa, kabili kuti amweba ifyakucita, imwe muli no kukonka cena. Ee, mukwai. Ena mucine kuti acita. Ena aleesha ukumfwana na imwe. Ena aleesha ukulenga imwe ukumfwila kuli wene mucifulo cakwa Lesa. Lelo uwacine, umubomfi wacine wakwa Lesa ali no kumfwila no kumona ifyo Tata alesosa, intanshi.^[1]

Yesu acimfishe satana ukwabula ukubomfya icabupe cakwa Lesa icili conse ico Ena akwete, **ukulangisha ukutula Abenakristu abanakuka kuti bacimfya Satana pa Cebo cakwa Lesa.** Kabili ulya e mulandu wine efyo njesha ukuleta ku ntanshi ya muntu- **takuli nangu cimo mumuntu, kashimikila, caba muli Kristu, kabili Kristu aba mu Cebo cakwe.** Bushe mulecetekela cilya?

“Mu kutendeka mwali Cebo. Ne Cebo cali pamo na Lesa, ne Cebo cali na Lesa. Ne cebo calengelwe

ubuntunse no kwikala pa kati kesu.” (Yohane 1:1-14),
alifwile no kubuka nakabili, kabili ali muli ifwe ilelo,
Icebo cimo cine icaliko mu kutendeka.

Baibele e nkalata ya kwa Lesa. **Kabili ubulayo ubuli bonse muli Yena bwenu, nga kuti mwacetekela Bwena no kusumina Bwena mu mibele iyalungama. Cili muli imwe, isubilo lya bukata, Kristu (Abena Kolose 1:26-29).** [2]

Ena- Yesu Kristu – acimfishe ciwa onse, amaka yonse ayali pesonde ayo ayaishile ukususha Wene ne Cebo cakwa Tata ceka. Ubwesho ubuli bonse ubo Satana apele Wene, Ena alyebawile Satana – te ku maka Yakwe Umwine ayo Ena akwete, lelo ne Cebo cakwa Lesa. “Calilembwa...!” “Calilembwa...!” “Calilembwa...!” Pantu Ena ali Cebo! [3]

Yesu ali twebele ifyakucimfya. Ena tatwebele fye ifwe, lelo Ena alilangishe ifyo cena cacitilwe. **Ena alitutungulwile ifwe.** Ena alitulangishe ifwe ifyakucita cena: **pokeleleni Icebo mukati kesu kabili beni abashininkisha ukwikatilila cilye Cebo (Yohane 8:51),** “Calilembwa,” mu bwesho ubuli bonse, **lelo beni abapetama, endeni abapetama.** Lyena natucimfya ukupitila muli Wene, **ukupitila mu maka Yakwe, ayo yacimfya kale umulwani wesu. Kabili icintu fye ceka ico tulingile ukucita kwenda fye abapetama ne citetekelo ukucetekela ukutila icishibilo cesu ca kwishibilwako ca Mupashi wa Mushilo, kabili Satana alingile ukusela.** [1]

Ifwe balitweba ukukanya Kasebanya, nao akafulumuka kuli ifwe (Yakobo 4:7). Nomba, **“Ukukanya” caba ukucita fye “ukumukana;” mukanyeni fye; cilya eco, endeni fye ukutaluka kuli wene.** 7 Lesa asosa icintu cimo; te mulandu ifyo ena aleesha uku mweba, **imwe tamumfwa nakuli wene.**

Amatwi yenu yali aya komwa ku cintu icili conse icashala kano kufyo Umupashi ulesosa. Mwamona?
“Kuli uyo ukwete ukutwi (Uyo uleumfwa, nakwata icitetekelo”, mwamona ifyo Umupashi ulesosa ku nkuta,” **uyo uwakwata ica kumfwilako, uyo uleumfwa ifyo Umupashi ulesosa ku nkuta (Ukusokolola 3:22).** [4]

Munyina Branham aipwishiwe ilipusho:

“Nalipusushiwa kabili nalibatishiwa mwi Shina lyakwa Yesu Kristu, lelo kuti natalukako shani ku mupashi wa bucintomfwa uo teti ntalukeko?”

Nomba, inshita ishingiri ilyo mwasanga abantu abo abakwata **imipashi ya bucintomfwa, cilaba lyonse amasakamiko** ico icilenga ici, nalimo balikwata **balipyana** cena ukufuma kuli ba nyina, ba wishi, yama, mayo senge, atemwa banakulu, ba shikulu, umuntu umo nga filya. Kabili nga mwalinkonkele ukuya kunuma mu bumi bwenu, muli nokusanga...Nomba, nalisenda cena ku kwishiba ukupitila mukulingulula, pa mulandu nali kumanya amafya kuno kuntanshi, amakana ya balya abo abakwete ulyo mupashi. Kabili icintu cakubalilapo namwishiba, kuti nakonka ulyo mupashi kulya kunuma ku kulingulula no kusanga ukutila kwaliko bashikulu, kwaliko banakulu, kwaliko umuntu umo kunuma kulya, **kabili mulapyana cilya ku cifyalilwa.**

Bucitomfwa tebwakwa Lesa. Kabili nombamba, inshila fye yeka iyo mwingafuminamo muli cilya mulingile ukukwata icitetekelo ukucimfya cilya, cilya nga muli **Umwinakristu.** Imwe muli mwana mwaume atemwa umwana mwanakashi wakwa Lesa, conse ifyo mwingaba, kabili tamwakatale ukwiminina no

kwebaula cena no kwebaula cena no kwebaula cena. Cena caba fye nga ukwangasha insoka kafi; yena naikala palya iyaiteyanya ukusuma iwe. **Nga muli no kuisula fye yena no kwenda ukutaluka kuli yena, yena teti imucene imwe.** E ico ilyo muleumfwa ukutula mwalikwata umupashi wa bucintomfwa, **bikeni icintu pa cipailo, kabili cetekeleni Lesa ukutula icintu nacifwa kabili tamwakatale ukukwata cena nakabili, kabili twalilileni ukuya kabili mwiposako amano kuli cena nakabili, kabili icintu cili no ku musha.** Kanyeni Kasebanya kabili akafulumuka kuli imwe; cilya cili “Talukeniko bwangu bwangu.” E ico kulya kuti kwaba ukupanda amano kwandi ifya kucimfya cena. **Ifwe tulacimfya Kasebanya ku citetekelo. Filya eflyo tucimfya ububifi bonse, caba ku citetekelo.** [5]

Umuntu uli onse aba uwakumako ku filubo (*Abena Galatia 6:1-2*). Ena aba uwakumako ku kulufyanya **pa mulandu ena muntu.** Ena aba uwakumako ku kutoba amafunde yakwa Lesa. Kabili ena aba uwakumako ku fintu ifingi, pa mulandu Satana ala mwesha, **kabili ena muntunse fye. Kabili nga cakutula Lesa alitala ukwimya amaboko Yakwe ena kuti awa. Epela fye.**

Kabili nalyumfwa abantu ukusosa, “Owe, Satana teti acite cilya.” **Ee, mukaleke fye Lesa akafumyepo ukuboko Kwakwe inshita imo, kabili moneni ico icilecitika. Ine lyonse ndapapata, Lesa, mwituma wene. Kwateni uluse pali ine. Mutalusheni wene kuli ine,” mulemona. Ndekabila uluse lwakwa Lesa. Kabili ifwe bonse tukabila cilya.** [6]

Umwakumona:

- [1] “Kuti Nacimfya Shani” (63-0825M), par. 92/
100-118/ 121/181
- [2] “Ni Cinshi Ico Mu Ku Boko Kobe” (55-1120),
par.30
- [3] “Ukukalipwa Kwa Pakupapa” (65-0124), par.
107
- [4] “Icitetekelo Ica Pwililika”(63-0825E), par. 115
- [5] “Lesu ukukana Ilukwa” (61-0723E), COD pg.
604-605, Q-No. 137, par. 46-48
- [6] “Ukongolwa” (63-1114), par. 83-84

ILIBWE LYA BUMUPASHI No. 91 (Ilipya 2020)
ukufuma mu Cebo Casokololwa ca ino ora,
lyatantikwa naba Gerd Rodewald, Friedenstr. 69, D-
75328 schomberg, Germany, [www. Bible believers.de](http://www.Biblebelievers.de)
Nga mulefwaya ututabo natumbi kuti mwatumina
lamya kuli ba Emmanuel Believers Fellowship
0966402048/ 0974367607 Isoka